



Maritime Association in Bosnia and Herzegovina

Established in 2007, Reg. No. RU648/07 of the Ministry of Justice of Bosnia and Herzegovina

Reg. No. 03/IB/23
Sarajevo, 02. februar 2022. godine

Bosna i Hercegovina Predsjedništvo Bosne i Hercegovine

Poštovana Predsjednice Cvijanović,
Poštovani Predsjedniče Bećirović,
Poštovani Predsjedniče Komšić,

Pomorsko društvo u Bosni i Hercegovini je osnovano radi ostvarivanja svih prava na Jadranskom moru i pomorstvu općenito, te očuvanja suvereniteta i teritorijalnog integriteta Bosne i Hercegovine. Sve to je ugrozila Republika Hrvatska (Hrvatska) i time upotpunosti spriječila društveno-ekonomski razvoj Bosne i Hercegovine na pomorskom području.

Bosna i Hercegovina je članica Konvencije Ujedinjenih nacija o pravu mora (Konvencija) od 01. septembra 1993. godine, na osnovu notifikacije o sukcesiji i pristupu, kao jedne od nasljednica Socijalističke Federativne Republike Jugoslavije (Jugoslavija). Na taj način Bosna i Hercegovina je naslijedila sva prava mora, koja je imala kao rebublika Jugoslavije, uključujući dio Jadranskog obalnog mora, pravo slobodnog i neometanog pristupa otvorenom moru, te prava prema Međunarodnom sporazumu između Vlade Jugoslavije i Vlade Italije o razgraničenju epikontinentalnog pojasa između dvije zemlje iz 1968. godine. Hrvatska je istim putem kao Bosna i Hercegovina, 05. aprila 1995. godine postala članica Konvencije, sa identičnim sukcesijskim pravima na Jadranskom moru.

Prva zakonodavna aktivnost Hrvatske protivno suvernitetu i teritorijalnom integritetu, te stečenim pravima mora Bosne i Hercegovin je usvajanje i objavljivanje Pomorskog zakonika od 7.3.1994. godine ("Narodne novine" broj 17/94), te Pomorskog zakonika (zamjenski) od 21.12.2004. godine ("Narodne novine" broj 181/2004). Ovim zakonikom Hrvatska je oduzela Bosni i Hercegovini sva naprijed navedena prava kao da je jedina nasljednica Jugoslavije.

Ovaj međudržavni problem je izuzetno bitan, pa smo u više navrata godinama informisali vodeće funkcionere Hrvatske, Ured visokog predstavnika (OHR) i naše domaće funkcionere. Nažalost reakcija nije bilo. Naše posljednje pismo (broj: 10/IB/22 od 28. juli 2022. godine) smo uputili gosp. Plenkoviću i gosp. Milanoviću, koje vama dostavljamo u prilogu.

Nadamo se da će te, za razliku od mnogih drugih, ovu informaciju sagledati upotpunosti i pristupiti sveobuhvatnom rješavanju. Mi u Pomorskom društvu ostajemo na raspolaganju za konsultacije i potrebnu pomoć.

Srdačan pozdrav,

dr.sc. Izet Bajrambašić, predsjednik, s.r.

Prilog: kao u tekstu